


Քասախն է, Տիկորը, Պողոսյանքը, Կարսի Ազրակը, եւ այլն, ինչ որ մասնանշեցինք Ե․ զլիսի մէջ Երես 25, միւս կողմից չին գերեզմանական կոթողների վերայ, որ հայ պատկերագրութեան ամենահին երեսօյթներն են եւ քրիստոնէական արեւելեան արուեստի հետ կապուած :\*



Պատկ․ 25ա․

Օձունի տաճարի վերայ եւս հարաւային ճակատի վերին լուսամուտի երկու կողմից տեսնում ենք նոյն սաւաննոց, նման զգետաւորութեամբ եւ հոլանի թեւերով հրեշտակները, ինչպէս Պողոսյանքի հարաւային պատին, միայն այստեղ իրար հակառակ ուղղութեամբ թռչելով եւ քանդակներն համեմատաբար աւելի խոր․ ձախ կողմինը բոլորովին փչացած է, իսկ աջինը կիսով չափ, բայց ընդհանուրը նկատելի : Լուսամուտի զլիսին, առանձին քարի վերայ եղել է մի կանգնած Ֆիգուր, փչացած, արդեօ՞ք Ամենակալ : Պէտք է նկատել, որ այստեղ քանդակման արուեստն աւելի բարձր է, քան այդ տեսնում ենք Պողոսյանքի վերայ, ինչպէս եւ Օձունի կոթողի շուշանածաղիկներն աւելի նուրբ, քան Պողոսյանքի արեւմտեան լուսամուտի շուշանածաղիկն է :

\*Գերեզմանական կոթողների բաժնում պատկերաբանողակների մասին պիտի խօսենք աւելի մանրամասն :

Պատկերաքանդակներ կային նաեւ հիւսիսային, արեւելեան եւ արեւմտեան պատերի ճակատին․ կիսով չափ պահուած է արեւելեան լուսամուտի զլիսինը․ բուն պատկեր կազմուած է զնդակների շարքից, եղբուած զուրս ընկած բարակ գծերի (wulst) մէջ․ պատկի հորիզոնական թեւերի վերայ երեւում են մի մի թեւաւոր հրեշտակի անդրիներ, որոնք բռնել են մի ձեռքով օձի պարանոցից, եթէ աչքի խարկանք չէ, իսկ միւսով մարմնից․ օձերի (?) մարմինը շարունակուած է պատկի թեւերի ուղղութեամբ՝ աջ եւ ձախ եւ վեր բարձրանալով, պատկի զլիսին իրար փաթաթուելով հանգոյց կազմում, ապա նորից աջ եւ ձախ ուղղութեամբ շարունակուելուց յետոյ, վեր բարձրանում եւ վերջանում արմաւենիկի լայն տերեւով, կոթի մօտ օղակաւորուած :

Այս արմաւենիկի տերեւների եւ նրանց ցօղունների մէջ, լուսամուտի ճակատին Յիսուսի անդրին է, բայց աւետարանը ներքեւի կողմից ձախ ձեռքով բռնած Յովհաննու աւետարանի սկզբնաւորութեամբ, միջին երկաթագրով «ԻՍԿ ԶԲԱՆ Է ԷՐԲ ԱՆՆ ԵՒ — միւս երեսում — ԲԱՆ ԷՐ ԱՌ ԱՅ ԵՒ ԱՅ ԷՐ ԲԱՆ» :\* Յիսուսի կուրծքի պարանոցի տակ, երեւում է շապկի մասը քառանկիւնի ձեւով, եղբուած երկզիժ զարդով, հագել է ներքնազգեստի վերայից, ձախ ուսից ձգելով, ծալքերով զարդարուն ծիրանի, որ թեթեւ կերպով երեւում է եւ աջ ուսից․ ներքնազգեստի թեւերը, նոյնպէս ծալքաւոր, բազկի մօտ բոլորածեւ զարդով բազրանդի նման : Աջ ձեռքը կտրուած է, ինչպէս եւ

\*Տարաբաղաբար ձեռքի տակ չունինք մեր լուսանկարը․ ուստի եւ մատնացոյց պիտի անենք Strzygowski-ի Die Baukunst. պատկ․ 205 : Օձերի պատկերն այստեղ, ինչպէս ընթերցողը տեսնում է կապածելի եւ օտարուտի ենք համարում : Բայց օտարուտի մի ուրիշ երեւոյթի մասին պատմել է մեզ համագուցեալ Խաչիկ վարդապետը խաչաբանողակի հետ կապուած (տ․ մեր Հաւուց Թատի Ամենափրկիչը, եր․ 47․ ծանօթ) :

Եթէ միշտ է մեր եզրակացութիւնը, թէ Օձունը շինուած է Ե․ դարի վերջերին կամ Զ․-ի սկիզբը, ապա այստեղ ունինք հայ գրի ամենահին մնացորդը :